

ՍՈՑԻԱԼԱԿԱՆ ՀԱՐԱԲԵՐՈՒԹՅՈՒՆՆԵՐԸ ՊՈԴՈԼՅԵԻ ՀԱՅԿԱԿԱՆ ԳԱՂՈՒԹՆԵՐՈՒՄ

Վ. Ռ. ԴՐԻԳՈՐՅԱՆ

Հեհահայոց պատմության վերաբերյալ իրենց գործերում բուրժուական պատմաբանները հաճախ գրել են լեհահայերի մեծ հարստությունների, հոխության և պերճանքի մեջ ապրած մեծատուն վաճառականների ու պաշտոնյաների, ունևոր կալվածատերերի մասին և երբեմն ստացվել է այն տպավորությունը, որ այդ վայրերում հավաքված և պետական մարմիններից ու առանձին իշխաններից բազմաթիվ արտոնություններ ստացած հայերն ապրել են առատության ու լիության մեջ և խորթ են եղել նրանց թշվառությունն ու կարիքը. Սակայն դա այդպես չէ: Այդ գաղութներում իրոք կային մեծ հարստություն դիզած անձինք, արևելքի ու արևմուտքի միջև առևտուր անող հաջողակ վաճառականներ, մեծ եկամուտներ ունեցող պետական շինովնիկներ, վաշխառուներ ու կալվածատերեր, բայց դրանց կողքին եղել են նաև շահագործված և ընչազուրկ մարդիկ, որոնք ապրել են ծանր կարիքի ու զրկանքների մեջ:

Գաղութներում ապրող հայ հասարակությունը դրոշակիորեն բաժանված էր տարբեր դասակարգերի: Այդ մասին ուշագրավ տեղեկություն կա Ռաշկովի հայ գաղութի համար Օդսենտ վարդապետի կազմած կանոններում (XVIII դ.): Խոսելով զանազան առիթներով եկեղեցու սպասավորներին կատարելիք դրամական վճարումների մասին, Օդսենտ վարդապետը նշում է, թե ի՞նչ չափով էին կատարվելու վճարումները. «Պսակդրամին ի տօլվաթաւորաց, կարողութեան գօրայ. ի մէջձեռաց Ա ոսկի. և ի րէնձրէրից կէս ոսկի»¹: «Տօլվաթաւոր»-ները, ինչպես հայտնի է, շահագործող դասակարգի ներկայացուցիչներն էին, որոնք իրենց ձեռքն էին վերցրել նաև գաղութի ներքին ղեկավարման գործը: Դրանք վաճառականներ ու բարձրաստիճան պաշտոնյաներ էին, որոնք անշարժ գույքից բացի մեծ դրամապլուխներ ունեին: «Տօլվաթաւորաց» և «րէնձրէրից» արանքում հիշատակվում է նաև մի երրորդ՝ «մէջձեռաց» դաս: «Մէջձեռք»-ը նշանակում է միջին դաս, այսինքն հարուստների և շունեորների միջև եղած միայն մասամբ ապահովված դաս: Օդսենտն, ըստ երևույթին, նկատի ունի արհեստավորներին, առևտրականների մոտ զանազան օժանդակ աշխատանքներ կատարող կամ մանր ու աննշան առևտրով զբաղվողներին, որոնք այս կամ այն չափով կարողանում էին իրենց համար ապրուստի միջոցներ ապահովել և քրոնց թիվը փոքր չէր Ռաշկովում ու պոդոլյան մյուս գաղութներում:

«Րէնձրէր»-ներն արդեն ունեցվածքային աստիճանակարգի ամենաստորին սանդուղքի վրա գտնվողներն էին, որոնք շահագործման էին ենթարկվում քաղաքային վերնախավի կողմից: Սա ամենախրավազուրկ և թշվառ դասակարգն

¹ Մ. Ռժշկյան. Ժանապարհորդութիւն ի Հեհաստան, Վենետիկ, 1830, էջ 17:

էր, որին վիճակված էր օրն ի բուն աշխատել իր գոյութիւնը մի կերպ պահպանելու համար:

Կամենիցյան դատարանի արձանագրութիւնները ժլատ, բայց պերճախոս փաստեր են մատակարարում հայ գաղութի ներսում եղած սոցիալական շերտավորումների, գույքային անհավասարութեան մասին: Փարթիւմ և անհոգ ապրող հայ մեծատուններից բացի հիշատակվում են նաև նրանց մոտ ծառայող ընչազուրկ հայ մարդիկ: Մեծ թվով շունեոր մարդկանց առկայութեան մասին է վկայում այն փաստը, որ Կամենիցում, Ռաշկովում, Ինչուկս և, հնարավոր է, պոդոլյան այլ գաղութներում, կարիք է զգացվել աղքատների համար հիվանդանոց բաց անելու: Կամենիցի դատարանի արձանագրութիւններում հաճախ հանդիպում ենք անվճարունակ պարտապանների գործերի, որոնք չկարողանալով ժամանակին մարել իրենց պարտքերը և կամ շունենալով համապատասխան ևրաշխավորողներ, որ դարձյալ աղքատութեան նշան էր, պատրժվել են օրենքի ողջ խստութեամբ՝ բանտ են նետվել կամ զրկվել իրենց վերջին ունեցվածքից²:

Հետաքրքրական է, որ գաղութների ներքին ինքնավարման մարմինների մեջ, ի թիվս այլ պաշտոնյաների, եղել է նաև հասուկ մեկը, որի պարտականութիւնն էր խնամք տանել աղքատ, ընչազուրկ, հիվանդ մարդկանց, Ինչուկս և հյուրերի նկատմամբ: Այդ պաշտոնյան կոչվում էր «աղքատաց տրնտես»: «Աղքատաց տրնտեսն, — կարդում ենք Օգսենտի կանոններում, — պի հոգայ զպէտսն ֆախիրնուն, անճարակնուն, հիւանդաց և հիւրից խարիւ պօնախնկից»: Նշվում է նաև այդ նպատակի համար միջոցներ հայթայթելու կարգը: «Աղքատաց տրնտեսը» եկեղեցու մուտքի մոտ ունենալու էր զանձանակ և «կու ժողվէ զողորմութիւն կամաւոր»: Նա ողորմութիւն էր հավաքելու նաև թաղումների, մատաղի ու այլ արարողութիւնների ժամանակ՝ «ըստ ատաթին Հայոց»: Նրա տրամադրութեան ներքո լինելու էր «սքիթայ» (հոսպիտալ, հիվանդանոց) կոչված մի սենյակ, «ուր ժողովին և բնակեն անճարակ և հիւանդ, և հիւր եկած հայաղզն»: Անճարակների մահվան դեպքում նա էր կազմակերպում թաղումը³:

«Աղքատաց տրնտեսի» ու նրա պարտականութիւնների վերաբերյալ Օգսենտ վարդապետի թողած այս նյութերն արժանի են հատուկ ուշադրութեան: Այստեղ կարևոր է ոչ միայն ընչազուրկ մարդկանց նկատմամբ առկա հոգատարութիւնը, այլև այն, որ կարիք է եղել համայնքի ներքին կյանքի հարցերը կարգավորող կանոնների մեջ հատուկ հոգիածով աղքատների նկատմամբ որոշ խնամք ապահովել: Ուրեմն եղել են բավական թվով խեղճ ու անօգնական մարդիկ, որոնց գոյութեան պահպանման հոգսը պետք է իր վրա վերցնէր համայնքը:

Հակոբ կաթողիկոսը լեհահայերին ուղղած 26 հունիսի 1410 թվակիր իր կոնդակում, Ինչուկս միշտ նկատելի է պրոֆ. Ա. Լեբրահամյանը⁴, մատնացուց

² ПГНА Укр. ССР, ф. 39, оп. 1, ед. хр. 8, л. 30р, 48р, 77р, 84р.

³ Մ. Բժշկյան, նշվ. աշխ., էջ 171:

⁴ Ա. Գ. Լեբրահամյան, Համառոտ ուրվագիծ հայ գաղթավայրերի պատմութեան, հատ. Ա, Երևան, 1964, էջ 207:

է արել այդ գաղթավայրերում եղած սոցիալական դասերը. «Պատվական և սրբասէր քահանայիցդ, աստուածասէր և բարեպաշտ պարոնացդ և ավագաւո՜րացդ, փառաւոր խաճանոյդ և սլուռճէսնոյդ, իմաստուն վաճառականացդ, հարկերը և բարեդործ տանուտրացդ, ձեռնահմուտ արուեստագէտացդ, աշխատասէր հողագործացդ, եւ ամենայն հայասեռ և քրիստոսաստուածադաւան մերոց ժողովրդականացդ»⁵։ Այստեղ հիշատակվում են և՛ հոգևորականները, և՛ խոջաներն ու բուրժուաները, վաճառականներն ու մյուսները. փաստորեն տրվում է հասարակության աստիճանակարգը։

Հասարակության սոցիալական խավերի ունեցվածքային մեծ տարբերությունների մասին են վկայում Կամենեց-Պոդոլսկի հայկական եկեղեցիների հուշամատյաններից պահպանված նյութերը։ Այսպէս, օրինակ, Ավետման եկեղեցու շինարարության համար ընտրված հանձնաժողովը, որի կազմում եղել են երեք կամենիցահայեր, հանգանակություն է կատարում համայնքում «ի մեծամեծաց և ի փոքունց», որոնք վճարում են՝ «Ոմն շատ և ոմն սակաւ ըստ շափու կարողութեան իւրեանց»։ Ոմանք վճարելու ոչինչ չեն ունենում և ստիպված են լինում փոխարենը աշխատելու շինարարության վրա։ Այս դեպքում ևս զգացնել է տալիս ունեցվածքային տարբերությունը. որոշ մասը միայն ֆիզիկական ուժ է ներդնում, իսկ ուրիշները գալիս են սալլերով ու ձիերով. «Ոմանքն աշխատեցան անձամբ իւրեանց, և ոմանքն ձիաներով և սալլի քարինս, և կիրս, և աւաղս կրելով»⁶։

Առանձնապէս ծանր էր լինում նոր գաղթած մարդկանց վիճակը։ Հեռավոր ուղևորություններից հետո նրանք հայտնվում էին իրենց համար միանգամայն օտար միջավայրում, նրանց առջև ծառանում էին բազում դժվարություններ և բոլորը չէ, որ կարողանում էին հարմարվել նոր պայմաններին։ XVII դարի սկզբներին Յազլովեցում հաստատված Ղազար եպիսկոպոս Թոխաթեցին իր բանաստեղծություններից մեկի սկզբում գրում է նաև այն դժվարությունների մասին, որ իրենք ունեցել են այդ քաղաքում։ Երևում է, որ հայերի համար դժվար է եղել զբաղմունք գտնել ու ապրուստի միջոցներ վաստակելը, որովհետև «Ձի կար փեշա եւ գործարան»։

Կեանա՛մբ Բաղա՛մ գիւղանճրման
Քսան տուն կա՛ ժողովրդեան...
Անմրխիթա՛ւ եմք տրխրական,
Ձի կա՛ր փեշա եւ գործարան.
Մնացա՛մ պա՛րապ եւ առանց բան՛։

1747 թ. լեհահայոց արքեպիսկոպոս Հ. Ավգուստինովիչի հանձնարարությամբ հայ գաղթականների վիճակին ծանոթանալու համար Ռաշկով մեկնած Օգսենտ վարդապետը այնտեղի հայերին գտնում է ծանր պայմաններում։ «Կարի արտասուեցայ ի վերայ խեղճութեան նոցին»,— գրում է նա հետագայում։ Նրա միջնորդությամբ Զուգեֆ Լյուբոմիրսկին 1751 թ. մարտի 19-ին Ռաշկովի հայերին տալիս է մի շարք արտոնություններ⁷։

⁵ Ղ. Ա լ ի շ ա ն, Կամենից, Վենետիկ, 1896, էջ 221։

⁶ Մ. Բ յ շ կ յ ա ն, նշվ. աշխ., էջ 152—153։

⁷ Ն. Ա կ ի ն յ ա ն, Հինգ պանդուխտ տաղասացներ, Վիեննա, 1921, էջ 207։

⁸ Մ. Բ յ շ կ յ ա ն, նշվ. աշխ., էջ 175։

Դժբախտաբար, մեզ հայտնի չեն հարկացուցականներ և դժվար է որոշակի բան ասել այն բոլոր հարկերի ու տուրքերի մասին, որ տալիս էր բնակչությանը քաղաքի տերերին: Հայերին տրված արտոնագրերի մեջ երբեմն հիշատակվում է այն հանգամանքը, որ զաղթականների համար թեթևացվում են հարկերը կամ նրանք մի քանի տարով ընդհանրապես ազատվում են բոլոր տուրքերից: Թագավորները կամ մագնատներն այդ քայլին դիմում էին միայն այն դեպքում, երբ արշավանքների պատճառով բնակչությունը լիովին կամ մասամբ զրկված լինելով իր ունեցվածքից, ստիպված էր լինում փախչել անտառները կամ անմատչելի այլ վայրեր: Եվ բնակչությանը ետ բերելու համար քաղաքատերերը ստիպված էին լինում զիջումների դիմել: Միևնույն է նրանք ոչինչ չէին կարող ստանալ արդեն ընչազուրկ դարձած այդ մարդկանցից: Բայց երբ վերջիններս կրկին հաստատվում էին իրենց նախկին բնակավայրերում կամ նոր հիմնված քաղաքներում և աստիճանաբար կարողանում էին ինչ-որ չափով կարգի բերել իրենց տնտեսությունը, հարկերի կրճատման ժամկետները ևս սղվում էին և նրանք դարձյալ ընկնում էին ֆեոդալական ծանր շահագործման ու ճնշման տակ:

Հայ բնակչությանից զանձված հարկերի վերաբերյալ որոշ պատկերացում կարելի է ստանալ Ռաշկովի հայերին տրված լեհ իշխան Յուզեֆ Լյուբոմիրսկու արտոնագրից: Այնտեղ ուղղակի ասվում է, որ լեհերի հետ հավասարապես հայերը մասնակցելու են քաղաքի համար կատարվող ամեն տեսակի ծախսերին՝ «Այս Հայ ազգս լիցի մասնակից ամենայն կելուրից քաղքին, սյարապար Լէհ ազգին հետ»⁹: Այս բանն իրազործելու համար հայերն իրենց միջից ընտրելու են մի «խելօք վերակացու ամէն նոր տարի երդվընցած, որ զայնպիսի կելուրն ժողվէ և խարձէ ըստ կամաց իւրեանց Ուրէնտին»¹⁰: Այսինքն քաղաքի կարիքների համար հայ բնակչությունից հարկեր հավաքելու գործը հանձնարարվում էր հայերի միջից ընտրված անձնավորությանը, որի ձեռքում լինելու էր համայնքի ղեկավարությունը, այլ կերպ ասած, դա լինելու էր վոյթը: Լյուբոմիրսկին հայերին ազատել էր մի շարք հարկերից, բայց կարգադրել էր, որ «իջգուից հախն պիտան արէնտայիս այնպէս ինչպէս կուտայ Լէհ ազգն», իսկ 8-րդ կանոնով որոշված էր, որ «Ձինշն Պառնական պի տայ Հայազգս ամէն տարի. Պազրի միջին տանգլօխ մէկ մաճառ ոսկի, և միւս սօխախնուն տանգլօխ կէս մաճառ ոսկի»¹¹: Զուգուցում ևս շուկայում եղած տների (հետևապես և խանութների) վրա հարկը (18 զլոտի) երկու անգամ շատ էր փողոցների վրա դրված տներից հավաքվող հարկից: Այդ բանը զրանցված է Յան Սոբեսկու 1688 թ. հրովարտակում: Նշված է նաև, որ հայերն իրենց արտադրած խմիչքների մի մասը հանձնելու են քաղաքի տիրոջը¹²: Ձի հիշված քանակը, ըստ երևույթին այդ մասին պայմանավորվում էին առանձին:

Քանի որ իրենց իրավունքներով հայերը հավասարեցված էին լեհ, ինչպես և ուկրաինացի բնակչությանը, ապա պարտականություններն էլ նույնպիսին

⁹ Մ. Բ ժ շ կ յ ա ն, Նշվ. աշխ., էջ 166:

¹⁰ Նույն տեղում: «Ուրէնտ»-ի բացատրությունը տրված է Օգսենտի կանոններում «Ի՞նչ է Ուրէնտն» վերնագրի տակ: Նա գրում է, որ դա քաղաքի տիրոջ կողմից վոյթին ու դատավորներին տրված իշխանությունն է (նույն տեղում, էջ 169):

¹¹ Նույն տեղում, էջ 166:

¹² J u c j a C h a r e w i c z o w a, Dzieje miasta Złoczowa, Złoczów, 1929, էջ 37:

էին, ուստի և հայերը բոլորի հետ հավասարապես մասնակցել են քաղաքային ամրությունների շինարարությանը և բոլոր կարգի ռազմական ծախսերին: Օրինակ, Միդիդունդ I թագավորի 1519 թ. մայիսի 22-ի հրովարտակի համաձայն Կամենեց-Պոդոլսկի ուկրաինացի, լեհ և հայ բնակիչներից գանձվում էր մի հատուկ հարկ՝ «սոշ» անունով, որը քաղաքի ստարոստայի գիտությամբ օգտագործվում էր Կամենիցի ամրացման և բերդի ամրությունների նորոգման համար¹³: Կամենիցյան տարեգրության հեղինակ Հովհաննեսը գրում է, որ երբ 1567 թ. Կամենիցի դատավորները սկսում են պարսպի շինարարությունը, ապա քաղաքացիներին ևս ստիպում են աշխատել. «Թվ. ՌԺՁ (1567) Ֆռանգի դատաւորքն սկսան քաղքի բոլորն քարէ պարիսպ շինելոյ, բայց բազմաց հաւնոյ շթվեցաւ. քանզի մեծ և ծանր գործ սկսան. և զի զքաղաքացիսն յոյժ նեղելով բանեցնէին. և նոքա անմուռնչ յոգւոց հանելով գործէին զգործն զայն. և էին ի մէջ գերութեան իբրեւ զԲսրայելացիսն առ Փարաւոնիւն երբեմն»¹⁴: Ռազմատուգանք վճարելիս հայերը ևս տալիս էին իրենց բաժինը: Պատերազմների, արշավանքների ժամանակ նրանք էլ պարտավոր էին իրենց բնակավայրերում կանգ առած զինվորներին ու սպաներին ապահովել բնակատեղիով ու երբեմն էլ սննդամթերքով: Լեհ թագավորներից ու իշխաններից արտոնություններ ստանալը ևս ամեն անգամ կապված էր մեծամեծ ծախսերի հետ: Պատվիրակությունների ֆինանսավորման ու տրվող նվերների հոգսը նույնպես ընկնում էր համայնքների անդամների վրա:

Բնակչության վիճակը չափազանց ծանրանում էր պատերազմների ժամանակ: Բուրք-թաթարական հրոսակների պարբերաբար կատարվող հարձակումների ժամանակ թալանվում էին նաև հայերը, նրանցից ոմանք գերի էին տարվում և ապա թանկ գներով վաճառվում իրենց հարազատներին, իսկ 1672—1699 թթ., երբ Պոդոլյան երկիրը գրավվեց թուրքերի կողմից, հազարավոր հայեր, լքելով իրենց անշարժ ունեցվածքը, ստիպված եղան փախչել Գալիցիա, Վոլին և այլ վայրեր: Նրբ նրանց մի մասը կրկին ետ վերադարձավ, ամեն ինչ արդեն քանդված, աւերված էր:

Բնակչությանը մեծ չարիքներ էին հասցնում բնական արհավիրքները՝ ջրհեղեղները, երկրաշարժերն ու երաշտը, ինչպես նաև հրդեհները: Օրինակ, 1602 թ. մեծ հրդեհի ժամանակ Կամենիցը համարյա ամբողջությամբ կրակի ձարակ դարձավ: Որպես հետևանք այդ ամենի լինում էր թանկություն ու սով: Կամենիցյան տարեգրությունից իմանում ենք, որ 1590 թ. երաշտի պատճառով «մեծ սով և թանկութիւն եղաւ. զի ցորենոյ կապիճ տասն մաճրի (ոսկի) եղաւ, և սուլուն՝ 8 մաճրի, և տուկուն՝ 10 մաճրի, և կորեկն՝ 8 մաճրի, և ուվուն՝ 4 մաճրի. զոր բնաւ տեսեալ չէր և ոչ լուեալ»¹⁵:

Ֆեոդալական աստիճանակարգի բարձր հորիզոնականի վրա էր գտնվում նաև եկեղեցին, և հոգևոր դասը ձգտում էր ետ շմնալ աշխարհիկ հարկահաններից: Հայ բնակչությունը պարտավոր էր հոգ տանել թե՛ տեղական եկեղեցականների և թե՛ էջմիածնից, Երուսաղեմից ու Կ. Պոլսից եկած նվիրակների մա-

13 «Архив Юго-западной России», ч. IV, т. I, Киев, 1869, էջ 34—35:

14 Ա ի շ ա ն, Կամենից, էջ 38:

15 Ղ. Ա ի շ ա ն, Նշվ. աշխ., էջ 57:

սին: Օղսենտ վարդապետի բացատրագրում թվարկված են եկեղեցուն տրվող տուրքերը: Նախ առվում է, որ ավագ զանձապետը եկեղեցու կարիքները հոգալու համար պարտավոր է «տան և տուկեան զլօխ փարայ ժողովելով ամէն կիրակմութին», հանձնել այն «Տէր Բրօպօշչին»՝ ծխական քահանային, իսկ եկեղեցու զանձապետը (սրանք տարբեր պաշտոններ էին) պետք է ժողովի «զՀայոց Ուրէնտի Տէքրէթնուն ճուրումներն... Զրօրհնեաց խաչհանելիս, ծաղկազարդին դոնաբացանքից. Զատկին լուսաբերից. Պսակնուն, Բաղմանից, Բանահէրից, Սալեամրթից և այլ շարշուվում»¹⁶:

«Վասն ժամադիրութեան և քահանու կելուրին» վերնագիրը կրող կանոնով որոշվում են այն գումարները, որ հավատացյալ ժողովուրդը տալու էր եկեղեցուն ու նրա սպասավորներին: Բերենք այստեղ այն տվյալները, որոնք վերաբերում են քահանաների զանձած գումարներին. «Եւ սովորական կէլուրն քահանու այսպէս լինի,— կարդում ենք այնտեղ,— ժամուց դրամն կէս խուրուշ. Քրիստոսի ծննդեան և սուրբ զատկութեան Դանօրհնելէք ի Տօլվաթաւորաց Ա(1) խուրուշ. մէջձեռաց կէս խուրուշ. ի րէնճբէրից Ա ըուպ. ի ջուրօրհնելոյ մանկաբերացն Ա(1) շուսդակ: Կնունքից, կէս խուրուշ. տղաբերից քառսունվէլուն Ա(1) շուսդակ: Հարսնախօսութեան նշան օրհնելէք կէս խուրուշ. յերից ժամու մէջ պսակին ծանուցմանց կէս խուրուշ»: Այնուհետեւ նշվում է ամուսնության, թաղման, զերեզման օրհնելու, պատարագ և այլ արարողությունների անելու արժեքը: Բացի դրանից, տոների, հարսանիքների, թաղման, մատաղ տալու ժամանակ «ժողովուրդն խալած, և կերակուր, և ըմպելիք իւրեանց տներուն կու խրկէն քահանու և աղքատացն»¹⁷:

Այն ժամանակ, երբ զաղութներում եղած «Ֆախիրներն» ու «անճարակներն» իրենց հույսը դրել էին պատահական վաստակի և կամ «աղքատաց տրնտեսների» ողորմածության վրա, մեծատուն դրամատերերը գտնվում էին շքեղ պայմաններում և իրենց կենցաղով ոչինչով չէին տարբերվում լեհ արիստոկրատների ապրելակերպից: Լեհական ժողովրդական Հանրապետության Կրակով քաղաքի Զարտորիսկիների թանգարանի զրադարանում պահվում է Ստանիսլավ քաղաքի հայ զաղութի հարսանեկան պայմանագրերի մատյաններից մեկը, կազմված 1693—1784 թթ., որն այդ տեսակետից արժեքավոր նյութեր է պարունակում: Ստանիսլավի զաղութը կազմված էր նաև Կամենիցից զաղթած հայերից, ուստի և այդ նյութերը հավասար չափով վերաբերում են նաև Կամենիցին ու պոդոլյան մյուս հայ զաղութներին: Հարսանեկան այդ պայմանագրերը թույլ են տալիս գաղափար կազմելու լեհահայ վերնախավի ունեցվածքի, նյութական հնարավորությունների վերաբերյալ: Հարսանեկան պայմանագրեր կարող էին կնքել միայն ունեոր դասի ներկայացուցիչները, որոնք իրենց ամուսնացող զավակների տրամադրության տակ են դրել մեծ գումարներ, հազարավոր զլոտիի արժողությամբ զարդեր: Մանոթանանք այդ պայմանագրերից մեկի հետ:

1726 թ. հունվարի 27-ին աղա Գրիգորենց Դոտերի դուստր՝ պանի Աննայի և պան Խասոյենց Մառուկի որդի պան Գասպարի ամուսնության կապակցությամբ աղջկա ծնողները հետևյալ օժիտն են դնում իրենց աղջկա հետ.

¹⁶ Մ. Բ ժ շ կ յ ա ն, Էշվ. աշխ., էջ 170:

¹⁷ Նույն տեղում, էջ 177, 183:

«Ոսկեղէն՝

Մէկ լանցուխ ոսկու կարմրէ, որ նոր կու քաշէ էրսուն օսգի կարմիր:

Մէկ նշանի մատնի հինգ օսկու կարմրէ:

Բրեք կապ աղէգ մարգրիտ:

Մէկ դանակ օսգու ռուպիներով ու խոշոր մարգրտով զարդարած, որին վրայ քսանվերկու կտոր է:

Այս դանադին քով մէկ շտուղա մը օսգու մէջտեղը ռուպիներով շինած:

Մէկ ճուֆդ մը օսգու օղեր, շմառակտէ քարերով զարդարած, որ նոր կու քաշէ օխդր օսգի կարմիր:

Մէկ ճուֆդ գուլշիքներ ռուպիներով օսգու կարմրէ:

Մէկ կապ մը խոշոր դօրայլներ»։ Այնուհետև մեկ առ մեկ թվարկվում են սղջկա օժիտի մեջ մտնող զգեստները, որոնք դարձյալ շատ թանկարժեք են և նրանց մեջ կան ոսկով զարդարված շորեր՝ «Մէկ ճուֆդ մը հագուստ ռուժօվի ատամասդէ օսգու բօղրշէպաներով... Մէկ ստէնկէրգայ օսգու ծաղիկներով»։ «Ճէրմակեղէն ու տօշկեղէն» վերնազրի տակ ոչինչ չի թվարկված. ասվում է միայն «Բնչպէս որ յամէն տօլվաթաւոր իրեն դակին կու տան, նոյնպէս և բան Աղայ Դօտերն հետ իւր տանտիկնոջը իրենց սիրելի դստերը խոտացան տալու, և այլ աւելի աստուծոյ և ծնողական օրհնութիւն»¹⁸։

Իսկ ի՞նչ նվերներ էր տալիս փեսան իր ապագա կնոջը։ Այդ մասին գրված է օժիտի մեջ մտնող իրերի թվարկումից անմիջապես հետո. «Նմանապէս վերոգրեալ բան Ծառուկն հասօյին և իւր որդին բան Անդսէնտն (փեսայի եղբայրը— Վ. Բ.), վերոգրած ճէգին դիմաց խոտացան ու գրեցին իւրեանց սիրելի հարսինը բաննայ Աննալին երեսջուր հարուր օսգի կարմիր։ Պաշխայ մէկ ճուֆդ մը, մանէլայ էրսունը վեց օսգու կարմրէ և այլ աւելի աստուծոյ ու ծնողական օրհնութիւնն»։ Հետո բերված են պայմանավորվող կողմերի ու վկաների ստորագրությունները¹⁹։

Հայ մեծատունները շրիդորեն էին կատարում հարսանյաց հանդեսները։ Անդամ XVII դարի վերջում, երբ նրանք նախկին արտոնությունները չունեին այլևս և երբ, ընդհանրապես, նկատվում էր լեհական քաղաքային կյանքի նշանակալի անկում, հայ հարուստները շարունակում էին պճնվել այնպես, որ մի անգամ 1682 թ. լեհական իշխանությունները նույնիսկ դատ բացեցին նրանց դեմ։ Դատի տրվածները երկուսն էին՝ լվովցի հայ Իվան (Յան) Յաշկեիչը, որը մեծ շրեղությամբ էր տոնել իր աղջկա հարսանիքը, և փեսան՝ կամենիցացի հայ Բոբրիկովիչը, որը պսակի ժամանակ շատ թանկագին ու շափազանց շրեղ զգեստներ էր հագել։

«Իվան Յաշկեիչը,— ասում է լվովի քաղաքային դատախազ Ստանիսլավ Կարկովսկին դատական նիստի ժամանակ,— թույլ է տալիս իր կնոջ, ինչպես և իր հարսնացու աղջկան հաղնվել ավելի ճոխ, քան արտոնում էր քաղաքում իր ունեցած դիրքը։ Նրանց զգեստները բոլորը ոսկեհյուս էին և շրեղ։ Երբ երիտասարդ աղջիկը պսակի էր զնում, լվովի ազգաբնակչության մեծ մասը հավաքվել էր հայոց փողոցը հիանալու այդ հարսանիքով և ամենքը տեսնում

¹⁸ Biblioteka muzeum N. X. Gzartoryskich w Krakowie, r. 3543, էջ 111ա—111բ։

¹⁹ Նույն տեղում։

էին, որ աղջիկը հազնված էր մի այնպիսի տարազով զգեստ, որ հազնում էին վերջերս մեծատունների և թագավորի շքախմբի կանայք: Ինչպես որ վերջիններս (նրանք) իրենց գլխին փակցնում էին չալամի փետուրներ: Նրանց սլակի զգեստները ոսկեհյուս էին, և թե ինչ կարժենային, երևում է նրանից, որ միայն առակի շրջագզեստը արժեր 1200 զլոտի և նույնիսկ, ամոթ է առել, — թող ներողամիտ լինի դատարանը, — նրա գուլպաները և ասեղնագործած կոշիկները արժեին մոտ 200 զլոտի: Եթե հաշվելու լինենք այն բոլոր զգեստներն ու իրերը, որ կար տիկին Յաշկեիչի և օրիորդի վրա, գլխից մինչև ոտք, ամենաթանկագինից մինչև ամենաչնչին իրը, ապա նույնիսկ դժվար է երևակայել, թե որքան կարժենային դրանք:

Ինքը՝ փեսան, Բոբրիկեիչը, բացի մյուս զգեստներից, պակ է գնում հագած մի բաձկոն, որ սամույրով, ոսկե կոճակներով ու թանկագին քարերով էր զարդարված: Իսկ երբ սկսվում են պարերը, նա ոչ այնքան թեթևությամբ, որքան վայելչագեղության համար հազնում է մի ուրիշ բաձկոն՝ հուլանդական կերպասից, ոսկեհյուս աստառով: Եվ նույնիսկ նրա կոշիկները, — թող թույլ տրվի ինձ հայտնելու — ի մեծ զարմանս դիտողների, ոսկեհյուս էին: Իսկ երբ գործը հասնում է քաղաքային տուրքեր վճարելուն, նույն պան Յաշկեիչը աշխատում է վճարել այնքան, որքան մի խղճուկ քաղաքացի²⁰:

Իսկ աշխատավոր բնակչությունն ապրում էր ծանր պայմաններում, զուրկ էր կենցաղային տարրական հարմարություններից և այս պատճառով այդ վայրերում հաճախ սկսվում էին համաճարակներ, որոնք մեծ զոհեր էին խլում նախ և առաջ շունեորներից: Ըիշտ նույն պայմաններում էին գտնվում նաև Պոդոլյեի քաղաքների ուկրաինացի ու լեհ աշխատավորները: Ուստի Պոդոլյեի բնակավայրերում սրված էին դասակարգային ներհակությունները և պայքարը: Այդ պայքարն ընդունում էր տարբեր ձևեր ու երանգներ: Աշխատավոր մարդիկ երբեմն հարկադրված էին լինում լքել իրենց բնակավայրը և կյանքի քիչ թե շատ ապահով պայմաններ որոնել այլ վայրերում: Այսպես, դեռ նախքան թուրքերի հարձակումը Կամենիցից շատ հայեր պարբերաբար հեռանում էին Լվով ու այլ քաղաքներ, Յազլովեցից անցնում էին Վոլին, իսկ երբ սկսեց զարգանալ Մոգիլյով-Պոդոլսկը, հազարավոր հայեր այնտեղ գաղթեցին նաև պոդոլյան կենտրոններից: Կյանքի ծանր պայմանները, քաղաքային իշխանությունների զնալով ուժեղացող հալածանքները ստիպում էին հայերին բողոքներ ներկայացնել կենտրոնական իշխանությանը: Այդ բողոքները երբեմն ընթացք էին ստանում և վերևից կարգադրություն էր գալիս մեղմելու ճնշումները: Այսպես, Ավգուստ I թագավորը 1725 թ. դեկտեմբերի 12-ին Կամենիցի քաղաքային իշխանությանը կարգադրում է թեթևացնել ճնշումները բնակչության նկատմամբ²¹: Իայց ձևական բնույթ կրող այդ հրամանները չէին կենսագործվում և դրությունը մնում էր նույնը: Բնակիչներն իրենց դժգոհությունն

²⁰ «Կամենեց-Պոդոլսկ քաղաքի հայկական դատարանի արձանագրությունները (XVI դար)», աշխատասիրությամբ Վ. Թ. Գրիգորյանի, Երևան, 1963, էջ 80:

²¹ Монсей Дороневич, Армяне в Подолье и первая церковь их в городе Каменце, ныне градская церковь православная во имя святителя Николая, «Труды Комитета для историко-статистического описания Подольской епархии», вып. II, Каменец-Подольск, 1878—1879, էջ 314—315:

արտահայտում էին հարկերից խուսափելով: 1742 թ. Կամենիցի վիճակին ծանոթացող հանձնաժողովն արձանագրել է, որ հայ համայնքը հրաժարվում է վճարել հարկերը: Նույն բանն է արձանագրված նաև հինգ տարի անց՝ 1747 թ. օգոստոսին կազմված մեկ այլ վավերագրում²²:

Պոդոլյան գաղութներում ստեղծագործած հեղինակների մի մասը սոցիալական գրոթյամբ ավելի մոտ էր կանգնած ունևոր դասին, ուստի իր գործերում լռությամբ է պահպանում այդ պայքարի մասին: Նրանցից ոմանք, օրինակ, թշնամարար են արտահայտվել ուկրաինական ժողովրդի մղած ազատագրական պայքարի ու նրա ղեկավար Բոգդան Խմելնիցկու մասին, բայց աշխատավոր ժողովրդի համակրանքն ամբողջությամբ եղել է այդ պայքարի ու նրա անձնվեր մարտիկների կողմը և դրա պատճառով Կամենիցի քաղաքային իշխանությունները հավասար կասկածանքով են վարվել նաև հայերի հետ²³:

Դասակարգային հակամարտությունները սուր բնույթ էին ընդունել համքարություններում: Ենթավարպետներն ու աշակերտները, որոնք արհեստավորական կազմակերպություններում զգալի թիվ էին կազմում, տնտեսապես հարստահարվում էին վարպետների կողմից: Ղեկավարությունը գտնվում էր վերջիններիս ձեռքում և, բնականաբար, բոլոր կարգի հարցերում ու նախ և առաջ արտադրությունը կազմակերպելու, հետևապես և եկամուտները ստանալու գործում նրանք ելնում էին իրենց շահերից: Միաժամանակ ամեն կերպ աշխատում էին արգելք հանդիսանալ վարպետների թվի ավելացմանը:

Վարպետների ու համքարությունների մեջ մտնող մյուս անձանց միջև առկա խոր հակասությունները նկատվել են նաև Ռեչ Պոսպոլիտայի տարածքում գործած մյուս արհեստավորական կազմակերպություններում, ուստի սկսած XVI դարից աշակերտներն ու ենթավարպետները, ինչպես և առևտրի ասպարեզում գործած ստորին ծառայողներն իրենց շահերը պաշտպանելու համար ստեղծում էին հատուկ կազմակերպություններ, որոնք ղեկավարում էին նրանց պայքարը հանուն բանվորական օրվա կրճատման ու աշխատավարձի բարձրացման: Շահագործող վարպետների դեմ ենթավարպետների պայքարի ձևերից են եղել նաև գործադուլները, որոնք սկսվելով XVI դարում, շարունակվել են հետագա ժամանակներում²⁴:

Պոդոլյեում և ընդհանրապես Ռեչ Պոսպոլիտայի այլ մասերում ապրող հայերի համար XVII դարի մի քանի տասնամյակները ծանր փորձությունների և հուսահատ պայքարի տարիներ էին: Այդ ժամանակ լեհահայ կենտրոններում սկսվեց բռնի կաթոլիկացումը, որը նպաստավոր հող ստեղծեց հետագա ապազգայնացման, հայրենի մշակույթից կտրվելու համար: Կաթոլիկ եկեղեցու հետ միավորումը արագացրեց հայերի լեհացման գործը:

Հարկ է նշել, որ լեհահայոց կաթոլիկացման ժամանակ ծայրամասերի գաղութներում, մասնավորապես Պոդոլյեի հայաշատ կենտրոններում ծավալված իրադարձությունների վերաբերյալ մեր ունեցած նյութերը, ցավոք, այն-

22 Նույն տեղում, էջ 329—346:

23 Л. С. Хачикян, Армянские колонии на Украине в XVI—XVII вв., «Великая дружба», сборник посвященный 300-летию воссоединения Украины с Россией. Ереван, 1954, էջ 211—212:

24 «История Польши», т. I, М., 1954, էջ 275:

քան էլ շատ չեն։ Այդ կարգի սկզբնաղբյուրները գլխավորապես նվիրված են էվոլյուցիոն, որտեղ տեղի էին ունենում հիմնական դեպքերը։ Մինչդեռ մյուս գաղութներում ևս հայ բնակչությունը պայքարել է բոնի կաթոլիկացման նախաձեռնողների ու կիրառողների դեմ։ Այդ պայքարն ամենեին էլ չէր սահմանափակվում կրոնական շրջանակներում, այն մղվում էր նաև ազգային ինքնատիպ դեմքը պահպանելու, հեռավոր հայրենիքի հետ կապերը չխզելու, ազգային մշակույթից չհրաժարվելու նշանաբանով։ Չպետք է անտես անել նաև հարցի սոցիալական կողմը։ Կրոնափոխությունը ձեռնադրել էր նախ և առաջ հասարակության ունևոր շերտերին, որոնք դրանով իսկ հնարավորություն էին ստանում ավելի մոտ կանգնելու տիրապետող վերնախավին, օգտվելու այդ վիճակի բոլոր առավելություններից և ապահովագրելու իրենց կրոնական տարբերության պատճառով հնարավոր բոլոր կարգի անախորժություններից։ Ներանց ձգտումները միանգամայն հակառակ էին կաթոլիկության ընդունման գեմ պայքարող աշխատավոր մարդկանց ցանկություններին և այդ հակամարտությունը փաստորեն վեր էր ածվել նաև սոցիալական տարբեր աստիճանների վրա գտնվող մարդկանց պայքարի, գասակուրգային պայքարի։ Ֆրիդրիխ էնգելսը գրել է. «Ֆեոդալիզմի դեմ մղվող ամեն մի պայքար այն ժամանակ պետք է կրոնական դգեստավորում ընդունել, ամենից առաջ եկեղեցու դեմ ուղղված»²⁵։

Պետք է ասել, որ ունևորներից բոլորը չէ, որ գնում էին կրոնափոխություն քարոզողների ետևից։ Քաջ գիտակցելով կաթոլիկ եկեղեցու հետ միության կործանարար դերը ընդարձակ այդ պետության սահմաններում հյուրընկալված փոքրաթիվ հայ բնակչության համար, նրանցից ոմանք ընդգրկվել էին միության դեմ պայքարողների շարքերը։ Սակայն ուժերն անհավասար էին. ճիզվիտ կրոնափոխողների ու նրանց հայ գործակիցների ետևում կանգնած էին կաթոլիկ եկեղեցու ազդեցիկ ու ամենակարող պարագլուխները, ինչպես և կրոնական անհանդուրժողականությամբ տառապող պետական մեծ ու փոքր գործիչները։ Ի վերջո միության հակառակորդները ստիպված էին տեղի տալ կամ հեռանալ այլ երկրներ։

Անհրաժեշտ է նշել, որ համայնքի անդամների հասարակական դիրքն ուղղակի կախում ուներ նրանց ունեցվածքային վիճակից։ Ինքնավարությունն իրագործող մարմինների ղեկավարման գործը կենտրոնացված էր ունևոր խավի ներկայացուցիչների ձեռքում։ Վոյթի պաշտոնում ընտրվել կարող էր միայն պատշաճ հարստություն ունեցող անձը։ Դա վերաբերում էր նաև դատավորներին և «Քառսուն աղբարներին» խորհրդի անդամներին։ Յազլուվեցի «Կտրիճվորաց եղբայրության» կանոնադրության սկզբում հականե հանվանե թվարկված են զաղութի ղեկավար մի շարք անձինք՝ վոյթ, վոյեվոդ, մարշալք, երեցփոխան, ավադներ, բայց դրանք բոլորը պաներ, պարոններ ու աղաներ են։ Եղբայրությունների ղեկավարները՝ մանկտավագներն ու ավադները նույնպես եղել են ունևոր դասի ներկայացուցիչներ, ուստի ընդգրկվել են դատարանի կազմում։

Գաղութների բնակչությունը ձևականորեն իրավունք ուներ մասնակցելու դատավորների ընտրությանը, բայց փաստորեն այդ իրավունքից օգտվում էին

25 Կ. Մարքս, Ֆ. էնգելս, Ընտիր երկեր, հատ. 2, Երևան, 1950, էջ 123։

միայն մի քանի տասնյակ ընտրյալներ: Ինչպես էին տեղի ունենում ընտրությունները, կարելի է իմանալ Կամենիցի հայոց մագիստրատի «40 ընկերացեաց» 1634 թ. դեկտեմբերի 7-ին կազմած մի փաստաթղթից, որը սահմանում էր ընտրության կարգը և որը հաստատված էր Լեհաստանի Վլադիսլավ IV թագավորի կողմից 1635 թ. մարտի 22-ին²⁶: Այդ որոշման համաձայն վոյթի ընտրությունը կայանալու էր ամեն տարի ս. Մատթեոսի տոնի նախօրյակին: Ընտրողներն էին «40 ընկերութի»-ն իրենց մարշալի գլխավորությամբ և 50 ներկայացուցիչներ՝ հասարակ ժողովրդից, որոնց (ընտրություններից 2—3 օր առաջ) ընտրելու էին «40 ընկերութի»-ն ու իրենց մարշալը՝ համայնքի «բարի, ազնիվ և հիմնովին մշտաբնակ» անդամների շարքից, պայմանով, սակայն, որ նրանք «լավ հազնված լինեն»²⁷: Ոչ մշտաբնակները, այսինքն բաղաժանց կոչում չունեցողները, ընտրություններին մասնակցելու իրավունք չունեին: Բսկ բաղաժանց կոչում կարելի էր ստանալ մշտական զբաղմունք և մի որոշ կարողություն ունենալու դեպքում միայն: Ինչ վերաբերում է «բարի և ազնիվ» ու «լավ հազնված» մարդկանց, ապա այս բառերի տակ պետք է հասկանալ ունևոր իմաստը: Ինչպես երևում է, ընտրություններին մասնակցելու համար անհրաժեշտ է եղել ապահովել գույքային որոշակի ցենզ:

Ընտրություններից առաջ այդ 50 ներկայացուցիչների ցուցակը ներկայացվում էր վոյթին ու մագիստրատի անդամներին: Պարզ է, որ վերջիններս կաշիատեին ցուցակում թողնել միայն իրենց հավատարիմ ու վստահելի մարդկանց անունները: Վոյթին ու մագիստրատի անդամներին իրավունք էր վերապահվում նախքան ընտրություններն իրենց մոտ կանչել ու զրույց ունենալ այդ մարդկանց հետ: Երբ վոյթը, ասվում է որոշման մեջ, այդ մարդկանց ուղարկեր ընտրության, նրանք պետք է պահեին իրենց ամենահամեստ և վայելուչ կերպով: Այլ կերպ ասած, հնազանդվեին նրա կարգադրություններին:

Վերը շարադրվածից երևում է, որ Պոդոլյեի հայ գաղութներում ինքնավարությունն իրականացնող մարմին՝ հայոց մագիստրատի ղեկավարության մեջ կարող էին ընտրվել միայն ունևոր խավի ներկայացուցիչները, ու թեև վոյթի ընտրությանը մասնակցում էին նաև «հասարակ ժողովրդից» 50 ներկայացուցիչներ, բայց նրանք միայն ընտրել կարող էին և ոչ ընտրվել: Ուրեմն գաղութների աշխատավորական խավը փաստորեն զուրկ էր ընտրական իրավունքից և գոյություն ուներ «ղեմոկրատիա չնչին փոքրամասնության համար, դեմոկրատիա հարուստների համար»²⁸:

Համայնքի անդամներին իրավունք էր վերապահված իրենց շահերը պաշտպանելու համար դիմել դատարան կամ էլ վերջինիս որոշումից դժգոհ լինելու դեպքում վերադատության գանգատ ներկայացնել թագավորին կամ բաղաժի տիրոջը: Քրեական ու բաղաժախական գործերը ձրի չէին լսվում, հայցվորները պարտավոր էին դատական հարկ՝ «բամեդնիյ» վճարել: Այս հանգամանքն, անշուշտ, աղքատներին զրկում էր դատարանի պաշտպանությունից օգտվելու հնարավորությունից: Բացի այդ, իր ողջ կազմով դատարանն արտահայտում էր տիրող վերնախավի շահերը և պարզ է, որ չունևոր մարդիկ հազիվ

²⁶ «Архив Юго-западной России», ч. V, Акты о городах (1432—1798), т. I, Киев, 1869, էջ 150—152:

²⁷ Նույն տեղում:

²⁸ Վ. Ի. Լենին, Պետություն և ուղղություն, Երկեր, հատ. 25, Երևան, 1951, էջ 599:

թե կարողանային արդարություն հասնել «տօլվաթաւորներին» հետ ունեցած իրենց վեճերում:

Քաղաքացիներին իրավունք էր տրված նաև երաշխավորություն բանտից մարդ դուրս հանել, բայց սա ևս կախում տուներ Երաշխավորողի ունեցվածքային վիճակից:

Համայնքի անդամները կարող էին մտնել համքարական կազմակերպություն մեջ կամ դառնալ կտրիճների ու հողևոր եղբայրությունների անդամ, բայց բոլոր դեպքերում էլ պարտադիր էին ինչպես մուտքի վարձը, այնպես էլ անդամավճարները:

Պողոլյան երկրի տիրակալներից հայերը ստացել էին բազմաթիվ արտոնություններ: Նրանք կարող էին տուն և հողամաս (յուրդ) գնել, տուն և խանութներ կառուցել, զբաղվել առևտրով, առևտրական նպատակներով մեկնել արտասահմանյան երկրներ, մասնակցել տոնավաճառներին: Նրանց թույլ էր տրված հաց թխել, գարեջուր և զանազան խմիչքներ արտադրել ու վաճառքի հանել, անասուններ բտել, զբաղվել կաշվի մշակմամբ և այլն: Հայերը կարող էին մտնել պետական ծառայության մեջ, նրանց ձեռքում էր գտնվում թարգմանների կարևոր և եկամտաբեր պաշտոնը, նրանցից շատերը դարձել էին մաքսատան աշխատողներ, իսկ ավելի ձեռնհասները դիվանագիտական աշխատանք էին կատարում լեհ թագավորի արքունիքում: Կարևոր էր նաև այն, որ լեհ մադնատները իրավունք չունեին հայերին ստիպել մնալ որևէ վայրում, նրանք ուղած պահին կարող էին հեռանալ՝ վճարելով այդ բանի համար սահմանված տուրքը²⁹:

Պողոլյեի հայ զաղութների ներքին կյանքի պատկերն ամբողջացնելու համար անհրաժեշտ է կանգ առնել նաև կանանց վերապահված դերի, նրանց իրավական վիճակի հարցերի վրա: Սկզբից ևեթ նշենք, որ այդ հարցերի շուրջ արժեքավոր տեղեկություններ կարելի է գտնել «Լեհահայոց դատաստանագրքում» և Կամենիցի դատական արձանագրություններում: Այլ նյութերի հետ մեկտեղ, նրանք հնարավորություն են ընձեռում որոշելու կնոջ դերը հայ համայնքի կյանքում, ծանոթանալու նրա իրավական վիճակին:

Պողոլյան հայ զաղութներում կանայք մասնակցություն են ունեցել արհեստների որոշ ֆուդերի զարգացմանը: Կամենիցում, Յազլովեցում, Ռաշկովում և պողոլյան այլ քաղաքներում հայերը հայտնի էին որպես գորգերի, կարպետների, վարազույրների, գոտիների, մուշտակների և կաշվե մի շարք առարկաների արտադրողներ: Բնական է, որ այդ աշխատանքներում ակտիվ դեր են խաղացել նախ և առաջ կանայք: Պողոլյան հայերը բազմաթիվ խանութներ ունեին և որոշ վայրերում շուկաները համարյա ամբողջությամբ գտնվում էին նրանց ձեռքում: Խանութները մեծ մասամբ կից էին տներին և կանայք առ ու ծախի մեջ օգնում էին իրենց ամուսիններին: Բացի դրանից, նրանցից ոմանք առևտրով զբաղվում էին ինքնուրույն կերպով և անվամ առևտրական նպատակներով մեկնում շրջակա քաղաքները, մասնակցում Լվովում, Յազլովեցում ու այլ վայրերում պարբերաբար կազմակերպվող տոնավաճառներին: Եվ

²⁹ Ս ա հ ա կ Թ ա ն դ յ ա ն, Լեհահայերի մասին, «Արարատ», էջմիածին, 1902, մարտ—ապրիլ, էջ 285:

ահա, այդ հողի վրա կարիք էր լինում կնքել ու հաստատել զանազան պայմանագրեր, անխուսափելի էին լինում կորուստներն ու վեճերը, որոնք և բերում էին նրանց դատարան: 1575 թ. սեպտեմբերի 28-ին Կամենեց-Պոդոլսկի հայկական դատարան է դիմում Զլթիսի կին Ուլուխաթունը, որի վարձած սայլակի միջից, Կումենիցից հոտին զնալու ձանապարհին, անհետացել էր 18 կանգուն կտավ: Այդ կինը զբաղվում էր կտավի առևտրով³⁰: Մեկ ուրիշը՝ հաշկոյի կինը, զբաղվում էր մետաքսի³¹, իսկ Զիբայի կին նազուն՝ բրդի առևտրով³²:

Կանայք կարող էին հանդես գալ դատարաններում և պաշտպանել իրենց իրավունքները: Կարելի է բերել բազմաթիվ օրինակներ, բայց սահմանափակվենք մեկով: Խոտինցի Ստեփանի կին Աննան գողացված իր զարդերի կապակցությամբ անձամբ դատ է հարուցում Կոստայի որդի Յագուբի դեմ: Դատական այդ գործը տևում է շուրջ մեկ ամիս և ավարտվում Աննայի օգտին³³: Կանայք հանդես էին գալիս ոչ միայն որպես հայցվոր, այլև պատասխանող կողմ³⁴: Դատարանի որոշումից դժգոհ մնալու դեպքում կարող էին դիմել վճռաբեկ ատյանին³⁵: Նրանք իրավունք ունեին որպես երաշխավորող հանդես գալու պարտք վերցնող իրենց ամուսինների համար³⁶ և նույնիսկ տղամարդկանց հետ միասին կարող էին երաշխավորությամբ բանտից մարդ ազատել: Այսպես, 1574 թ. նոյեմբերի 19-ին Կամենիցի հայոց դատարանը ոմն Շարովսկու ու նրա զոքանչի երաշխավորությամբ բանտից ազատ է արձակում Տրդատ անունով մի անձնավորության: Փոխարենը Շարովսկին ու նրա զոքանչը զրավ են դնում իրենց ողջ ունեցվածքը³⁷:

Այստեղ չի կարելի մոռանալ մի կարևոր հանգամանք, որ երբեմն բացակայում է արձանագրության ժլատ տողերում՝ գույքային ինչ-որ ցենզ, անտարակույս, կարգավորել է կանանց իրավունքների շրջանակները, նրանց իրավունքները պակասել կամ բազմապատկվել են ունեցվածքի, հարստության համեմատ: Անկարելի է, որ շունևոր կանայք ևս այդչափ վստահություն վայելեին օրենքի պաշտպանների աչքում:

«Լեհահայոց դատաստանագրքի» № 116 («Մոդլենի ունեցվածքը ժառանգելու մասին») հոդվածի համաձայն կանայք տղամարդկանց հետ հավասար իրավունքներ ունեին հայրական ժառանգության նկատմամբ: Անկտակ մահացած մարդկանց գույքը հավասար չափով բաժանվում էր նրանց որդիների ու դուստրերի միջև: Բայց երբ ուղղակի ժառանգներ չէին լինում, նախապատվությունը տրվում էր արական սեռին՝ ժառանգելու իրավունք էին ձեռք բերում մահացածի եղբայրն ու եղբոր զավակները, իսկ աղաքիսիք չլինելու դեպքում միայն՝ քույրն ու նրա զավակները³⁸: Եղբայրները հորից մնացած ժառանգությունը բաժանելիս պարտավոր էին իրենց չամուսնացած քրոջը մաս

30 ЦГИА Украинской ССР, ф. 39, оп. 1, ед. хр. 8, л. 85а:

31 Նույն տեղում, էջ 46ա:

32 Նույն տեղում, էջ 59բ:

33 Նույն տեղում, էջ 54բ, 55ա և այլն:

34 Նույն տեղում, էջ 61բ:

35 Նույն տեղում, էջ 44ա:

36 Նույն տեղում, էջ 73ա:

37 Նույն տեղում, էջ 69ա:

38 Prawa y artykuły ormlan iwowskich, „Biblioteka starożytna pisarzy polskich” t. 1, Warszawa, 1843, էջ 128:

հատկացնել³⁹։ Օժիտը մնում էր ամուսնացած կնոջ սեփականությունը, բայց ամուսնու խնամակալության ներքո⁴⁰։ Վերջինս էլ իր կողմից օժիտի վրա նվերներ էր ավելացնում, ուստի բնականիքի մեջ տղամարդու սեփականության կողքին մշտապես եղել է նաև կնոջ սեփականությունը և այդ երկուսը համատեղ կյանքում վաստակածի հետ միասին կազմել են «հայրական և մայրական ղույք», որը հենց այդպես էլ անվանված էր դատաստանագրքում⁴¹։

Կանանց իրավական վիճակի ուսումնասիրության համար կարևոր նշանակություն ունեն ամուսնությանը վերաբերող փաստաթղթերը։ Ամուսնությունը կամավոր էր և առանց կողմերի համաձայնության հոգևորականներն իրավունք չունեին իրականացնելու պսակի արարողությունը։ Ռաշկովի հայ գաղութի համար Օգսենտ վարդապետի գրած կանոնների համաձայն նախապես «կու հարցրնու քահանայն հարսին և փեսացուին, թէ կամաւորվեցան հարսնախօսութեան և իրուր ամուսնանալոյ», որից հետո միայն «լինի նշանտուք ատաթին գօրայ... և դնեն զժամանակն հարսանեաց»⁴²։ Ընչպես տեսանք, կազմվում էր նաև հարսանեկան պայմանագիր, որտեղ գրանցվում էին հարսի օժիտն ու ստացած նվերները, բայց այդ բանը կարող էին անել միայն ունեորները։

Հարկ է նշել, որ լեհահայոց կանանց այդօրինակ իրավունքները նոր ձևեր բերովի կամ էլ օտար ազդեցության արդյունք չէին։ Դեռևս մայր հայրենիքում հայ կանայք դարերի վեր ափսիվորեն մասնակցել են երկրի հասարակական-մշակութային կյանքին և տնտեսական գործերին։ Կինը ժառանգելու իրավունք ուներ, ազատ էր տնօրինելու հորենական տնից բերած արժեքները, ամուսնու հետ որոշ իրավունքներ ուներ նաև համատեղ կյանքի ընթացքում վաստակածի նկատմամբ։ Նրա այդ իրավունքները պաշտպանվում էին դարավոր սովորույթի, ինչպես և պատշաճ ձևով վավերացված օրենքների ուժով։ Մխիթար Գոշի «Իստաստանագրքի» համաձայն հոր մահվան դեպքում, երբ չէին մնում արական սեռի ուղղակի ժառանգներ, ղույքը ժառանգում էր շամուսնացած աղջիկը, իսկ ամուսնացած դուստրը ստանում էր կես բաժին, որովհետև ամուսնանալու ժամանակ նա արդեն ստացած էր լինում իր բաժինը։ Գոշը որոշակի ու պարզ սահմանում է. «Հաստատի ըստ այսմ որդւոց եւ դստերաց հաւասար լինել ժառանգութիւնն հօր, ըստ որում եւ Աստուած զոյգ ետ զժառանգութիւն արքայութեան արանց և կանանց»⁴³։ Սահակ Պարթևի կանոնների համաձայն (V դ.) հոգևորականներն իրավունք չունեին առանց կողմերի համաձայնության կատարել պսակադրումը⁴⁴։ VI դ., ներսես կաթողիկոսի և ներշապուհ Մամիկոնյանի կանոններով արգելվում էին ամուսնություններն առանց փոխադարձ համաձայնության⁴⁵։ Առաջադիմական այս կանոնը տեղ է դրել հայկական բոլոր դատաստանագրքերում։

39 «Ուսումնասիրությունը լեհահայոց դատաստանագրոյն», Վիեննա, 1890, էջ 62—63։

40 նույն տեղում, էջ 25։

41 Prawa y artykuły..., էջ 128։

42 Բժշկյան, էջ 178։

43 «Մխիթարայ Գոշի Իստաստանագիրք հայոց», Իրաւարանական հետազօտութիւնք հանդերձ ծանօթութեամբ Վահան Ժ. վարդապետի Բաստամեանց, Վաղարշապատ, 1880, էջ 375։

44 «Կանոնագիրք հայոց», հատ. Ա, աշխատասիրությամբ Վաղգեն Հակոբյանի, Երևան, 1964, էջ 332։

45 նույն տեղում, էջ 487։

Ուսումնացած կնոջ օժիտը մնում էր որպես մայրական ունեցվածք և նրա մահվան դեպքում, երբ ուղղակի ժառանգներ չէին լինում, վերադարձվում էր կնոջ ծնողներին կամ եղբայրներին⁴⁶։ Բաժանման դեպքում կինը և տղամարդը հավասար իրավունքներ ունեին դատարանի առջև։ Զույգերի անհամապատասխանության դեպքում ապահարզանի իրավունք ունեին նաև կանայք, որոնք հեռանալով տնտեսուց, տանում էին իրենց հետ նաև իրենց բերած օժիտը։ Նթե ամուսինը բաժանվում էր հիվանդ կնոջից, ապա պարտավոր էր նյութապես ապահովել նրան։ Կանանց շբերությունը տղամարդուն բաժանման իրավունք չէր տալիս, այդ բանը նա կարող էր անել միայն կնոջ համաձայնությամբ⁴⁷։ Շահապիվանի կանոնների համաձայն (447 թ.) կնոջը լքած տղամարդուց վերցնում էին ունեցվածքի կեսը և տալիս կնոջը, իսկ երեխաներին նույնպես բաժանում էին ամուսինների միջև⁴⁸։

Ինչպես տեսնում ենք, միջնադարյան Հայաստանում կանայք բավականին իրավունքներ են ունեցել։ Գաղթելով այլ երկրներ՝ հայերը պահպանում և զարգացնում էին իրենց ազգային սովորությունները, ավանդույթները, այդ թվում և կանանց նկատմամբ վերաբերմունքը։ Օտար միջավայրը, տվյալ դեպքում լեհ-ուկրաինական շրջապատը, դրական ազդեցություն է ունեցել նրանց վրա և այդ ավանդույթները ստացել են իրենց հետագա զարգացումը։

Պոդոլյեի հայ գաղութների ներքին կյանքի մանրամասնությունների՝ հասարակության շերտավորման, սոցիալական հարաբերությունների ու դասակարգային հակամարտության բացահայտումը հնարավորություն է ընձեռում ավելի ճիշտ հասկանալու, հետևապես բազմակողմանի ու խոր կերպով լուսաբանելու այդ գաղութների պատմությունը՝ մի բան, որ օգտակար կլինի նաև հայ-ուկրաինական ու հայ-լեհական հարաբերությունների հետագա ուսումնասիրման և ուկրաինական այդ երկրամասի անցյալ կյանքի պատկերն ամբողջացնելու գործին։

СОЦИАЛЬНЫЕ ОТНОШЕНИЯ В АРМЯНСКИХ КОЛОНИЯХ ПОДОЛИИ

В. Р. ГРИГОРЯН

(Резюме)

В своих исследованиях, посвященных армянам Подолии, составляющей значительную часть Правобережной Украины, буржуазные историки часто писали о богатстве этих армян и их больших материальных возможностях. Складывалось впечатление, что все они были достаточно обеспечены. Однако свидетельства современных авторов, протоколы армянского суда г. Каменец-Подольского и другие материалы содержат красноречивые факты о социальной дифференциации внутри армянских колоний. Ознакомление с многочисленными судебными актами убеждает, что руководители армянской администрации — войт и 12 судей, как правило, избирались из числа наиболее богатых и именитых горожан, в руках которых фактически и находился армянский суд. Свидетельства источников

⁴⁶ «Մխիթարայ Գօշի Գատաստանագիրք», էջ 290։

⁴⁷ «Կանոնագիրք հայոց», հատ. II, էջ 430։

⁴⁸ «Մխիթարայ Գօշի Գատաստանագիրք հայոց», էջ 193—194։

приводят к выводу, что женщины играли значительную роль в жизни колоний: они обладали широкими правами, однако определенный имущественный ценз ограничивал эти права, и уважение, оказываемое женщинам зависело от их состояния.

Классовые противоречия и борьба угнетенных и эксплуатируемых против господствовавшего класса особенно обострились во время насильственной унии армянской церкви с католической.